



Universitätsbibliothek Paderborn

Praxis Episcopalis

In Qva Episcoporum Non Tantvm, Eorumqve Vicariorum munus; sed
Parochorum etiam & conscientiarum directorium concernentium casuum
ac dubiorum indies occurrentium Resolvtiones ... quàm brevissimè
continentur

Zerola, Tommaso

Coloniae Agrippinae, 1680

Testamentum.

urn:nbn:de:hbz:466:1-10447

ac ad vitam juris, etiam per similes censuras, & pœnas cogi & compelli possit & debeat. Districtius inhibentes quibusvis Camera præfata spoliatorum collectoribus nunc, & pro tempore existentibus sub indignationis nostræ, & privationis eorum officiorum pœna, ne in ornamentis & paramentis, ac vasis & libris præfato cultui divino dicatis, ac alijs in rebus sacris, nec non suppellectilibus præfatis quomodolibet se intromittant, nec in eorum inventariis tanquam spolia redigant, seu describant, sed ornamenta & paramenta, nec non vasa & libros, aliaque divino cultui dicata hujusmodi Ecclesijs & monasteriis, capellis, & alijs beneficijs hujusmodi, eorumque rectoribus, & alijs præfatis liberè admittant & consignent, ac consignari faciant cum effectu, ac suppellectilia prædicta in locis, ubi constiterint, relinquunt, ac decernentes sic in præmissis omnibus & singulis per quoscunque iudices, & Commissarios quavis auctoritate fungentes, sublata eis, & eorum cuilibet quavis aliter judicandi, & interpretandi facultate, & auctoritate judicari, & diffiniri debere, ac irritum, & inane quicquid secus super ijs à quoquam quavis auctoritate scienter, vel ignoranter contigerit attentari. Quocirca dilectis filijs curia causarum Camera Apostolica generali auditori, & singulis locorum ordinarijs, ac majorem dignitatem pontificalem in universis Ecclesijs cathedralibus & Metropolitanis pro tempore obtinentibus per Apostolica scripta motu simili mandamus, quatenus ipsi vel duo, aut unus eorum præfatas literas, & in eis contenta, quacunque ubi, & quando opus fuerit, quoties pro parte quorumcunque in præmissis inter-

esse habentium, ut præfertur, fuerint requisiti, sollemniter publicantes, eisq; in præmissis efficacis detentionis præfatio assistentes, faciant auctoritate nostra præfatas literas, & in eis contenta quacunque firmiter observari, ac singulos, quos litera ipsa concernunt, illis pacifice gaudere, non permittentes eos desuper quomodolibet indebitè molestari contraditores auctoritate nostra appellatione postposita compescendo, non obstantibus, &c.

TESTAMENTUM.

Primò, testamentum factum coram paroco, & duobus testibus valet, nec obstat consuetudo, vel leges humanæ contra illum textum, ibi in c. cum esses, de testam.

Secundò, si fiat testamentum sine his solemnitatibus, non valet, non obstante aliqua consuetudine in contrarium, Gom. in c. 1. nu. 28. limit. 3. ver. mihi tamen.

Tertiò, Cov. dicit hoc valere interris Ecclesiæ solùm, in d. c. cum esses, nu. 4. & infra.

Quartò, legatum verum ad pias causas, valet factum coram duobus testibus, etiam sine præsentia parochi, ita in c. relatum, il. 1. de testam. & isti possunt esse etiam fœminæ, Cov. ibi. num. 5. Gom. q. 9. de instr. resig.

Quintò, si quis facit primò testamentum validum, & postea secundum invalidum, videtur recedere à primo, Gom. in c. 1. num. 125. & infra de const. lib. 6.